

Imitatus est eum D. JO. CHRISTIAN. LANGE, qui operibus suis medicis præfixit brevem sed egregiam historiae medicæ delineationem. Nec temperare mihi possum, quin commemorem DANIELEM LE CLERC, q̄ ejusque historiam medicinæ; qui varia eruditione refertus liber sat notus erit iis, qui ultra formulare suum sapiunt. Sed hæc historiae medicæ saltem, non philosophicæ commendant studium; imo etiam hocce, qui enim novit maximos philosophorum medicos; maximosque medicorum philosophos fuisse, non dubitabit amplius sibi persuadere, studium utriusque historiae arcto nexu cohærere. Ita in medicorum catalogum relatos leges apud LANGIUM ⁊ Democritum, Platonem, Aristotelem, Theophrastum, aliosque, quemadmodum & fama est, Pythagoræos summum studium in arte medica posuisse, narrante AELIANO, sicut taceam eandem medicinæ ac philosophiæ olim fuisse disciplinam antequam has à se invicem sejungere instituit HIPPOCRATES. ⁊ Aequè certe Hippocrates locum inter philosophos, ac illi inter medicos, meretur, nec persuadere mihi queo, illos recte Hippocratis assequi doctrinas, qui à veteri philosophia plane existunt alieni quod & de Galeno, Celso, aliisque asseri posse nullus dubito. Quantum præterea physicæ solidioris studium utilitatis præstet medico apud doctissimos in confesso est, hoc autem plurima scientiæ suæ argumenta à veteribus mutuatur philosophis, sicut non possit non etiam ad solidiorem physicæ electivæ cognitionem medicinæ cultori commendari studium historiae philosophicæ, quamvis de hoc commodior dicendi locus sit in subsequentibus de usu historiae philosophicæ, quem præbet ipsismet philosophis.

D 3

§. XXIV.

q̄ *Histoire de la médecine à Amsterdam. 1702. 4.*

⁊ *In historia med. p. 10.*

f̄ *Histor. var. L. IX. c. 22.*

⁊ *Vid. le Clerc. hist. de la med. prem. part. liv. III. chap. I. p. 104. conf. erudita diff. quæ olim hic loci sub præsidio Venerabilis JO. ANDR. SCHMIDII de theologia Hippocratis est habita. §. I. II. - IV.*